

汉千乘派

涿郡太守其夫人奉春君姿敬之女也。子睦，字公安、又字安仁，授太子舍人。累迁丞相，是为乘之派，睦夫人陈氏。生子钦，字子敬，钦夫人张氏、生子三，长容，字和伯、曰述，曰兴，未著字同受尚书於济南，伏生胜，以经名家，仕汉为博士，所谓欧阳博士尚书者是也。和伯夫人夏侯氏，生子曰巨，字孝仁，和伯初以尚书授倪宽、倪宽复以授孝仁，世世相传，为博士。孝仁夫人戴氏，戴德之女也。生子曰远，字淑游，举孝廉，为郎，进士登科，屡迁博士。夫人倪氏，即倪宽之女，一子高，字彦士，娶孔安国女，一子景山，字仲仁，仲仁夫人赵氏，子地馀，字长宾，以太子中庶子授太子官，侯为博士，列石渠阁。汉元帝即位，地余以侍中贵，幸官至少府。夫人戴氏子二，长崇，次政。少府垂老，戒其二子曰：“我死官属郎送汝财物，慎勿受，汝九卿儒者子孙虫以廉洁著，可以自成，死後，少府官属送仪物数百，崇政二子果不受。天子闻而嘉之，赐钱百万。崇不显，政字少翁，为王莽讲学大夫。其夫人孙氏，一子歙、字正思，自容至歙，皆为尚书博士，所谓八代博士者也。歙

为人恭俭礼让，王莽时为长社宰，更始立为武原令，世祖光武朝，历官至汝南太守。在任教授数千人，九年进为大司徒。建武十五年冬十一月坐。前为汝南太守，度田不实，赃罪下狱，所授尚书弟子守阙求哀者十余人。至有髡剔者平原礼震，年十七，自击上书请代歙死。其略曰：“伏见臣师大司徒欧阳歙为儒宗，八世博士，而以赃咎，当伏重罪。歙门弟子幼，未能传学。身死之後，永为废绝。上令陛下获杀贤之讥，下使学者丧师资之益，乞杀身以代歙命。书奏而歙已死狱中。歙椁陈元亦上书追颂，言甚切至，帝乃赐棺木，赠印绶，赙缎三十疋。子复嗣，复卒，无子世绝，经不传家焉。族属子孙，亦皆微弱，後遂无闻。